

NAQQIUT

Inatsisissatut siunnersuut 2. november 2009-meersoq inatsisissamut oqaaseqaatitalik taarserpaa

(Siunnersuut imatut aaqqissuunneqarpoq, 2010-mut aningaasanut inatsisissap aalajangiiffigineqarnissaanut piffissaliussap sivitsorneqarnissaanut siunnersuutip kinguneranik, nunamut tamarmut akileraarutip, kommunimut akileraarutip aamma ulluunerani paaqqinnittarfinnut akit aalajangersarnerinut piffissaliussat atuuttut ukioq manna taamaalilluni sivitsorneqarput.)

Uunga siunnersuut: Namminersornerullutik Oqartussat missingersuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. X, x. november 2009-meersoq

(2010-mut Aningaasanut inatsit, nunamut tamarmut akileraarut, kommunimut akileraarut, kommunit missingersuutaat aamma ulluunerani paaqqinnittarfinnut akit)

§ 1

Namminersornerullutik Oqartussat missingersuutaat pillugit Inatsisartut inatsisaat nr. 8, 29. oktober 1999-imeersumi Inatsisartut inatsisaat nr. 1, 23. maj 2000-imeersukkut allanngortinneqartumi ukuninnga allanngortitsisoqassaaq:

1. § 10-mi imm. 2-6-tut nutaatut ikkunneqassapput:

” Imm. 2. 2010-mut aningaasanut inatsisissaq kingusinnerpaamik ulloq 28. november 2009-mi akuersissutigineqassaaq

Imm. 3. 2010-mut nunamut tamarmut procenti akileraarusiissutissaq kingusinnerpaamik ulloq 28. november 2009-mi aalajangersaaffigineqassaaq.

Imm. 4. Kommunit 2010-mut missingersuutaat kingusinnerpaamik ulloq 15. december 2009-mi akuersissutigineqassapput.

Imm. 5. 2010-mut kommunimut procenti akileraarutissaq kingusinnerpaamik ulloq 15. december 2009 aalajangersarneqassaaq.

Imm. 6. Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut 2010-mut akit kingusinnerpaamik ulloq 15. december 2009 aalajangersarneqassapput.”

§ 2

Inatsisartut inatsisaat manna Inatsisartunit akuersissutigineqarniariarluni atuutilissaaq. Inatsit ulloq 1. januar 2010-p tungaanut atuuppoq.

Namminersorlutik Oqartussat, ulloq xx. november 2009

Kuupik Kleist

/

Palle Christiansen